

Kommunalbestyrelsinut, nunaqarfwmni aqutsisunut ilagiillu sinnisaannut qinersisarnerit pillugit Inatsisartut inatsisaat

Kapitali 1

Kommunalbestyrelsimum qinersineq

Qinersisinnaatitaaneq qinigaasinnaanerlu

§ 1. Kommunalbestyrelsimum qinersisinnaatitaavoq § 2-mi eqqaaneqartut eqqaassanngikkaanni kinaluunniit folketingimut qinersisinnaanermut ukiussarititaasunik naammatsitsisimasoq aammalu qinersinissaq sioqqullugu sap. akunnerini arfíniliini kommunimi pineqartumi aalajangersimasumik najugaqarsimasoq aammalu

- 1) qallunaatut innuttaassuseqartoq aammalu qinersinissaq sioqqullugu sivikinnerpaamik qaammatini arfíniliini Kalaallit Nunaanni aalajangersimasumik najugaqarsimasoq imaluunniit
- 2) qinersinissaq sioqqullugu sivikinnerpaamik ukiuni pingasuni naalagaaffimmi aamma sivikinnerpaamik qaammatini arfmilinni Kalaallit Nunaanni aalajangersimasumik najugaqarsimasoq.

Imm. 2. Kommunalbestyrelsimum ilaasortaq kinaluunniit kommunalbestyrelsimum ilaasortaanerminut atatillugu nuna tamakkerlugu soqutigisaqqaqtigijt kattuffiannut, kommunimi allami angerlarsimaffeqartumi, piffissaq tamaat siulittaasussatut toqqarneqartoq, kommunimi qimatamini taasisinnaatitaavoq.

§ 2. Inuit eqqartuussivikkoortumik Kalaallit Nunaanni atuuttussatut aalajangikkamik nammineersinnaajunnaarsitaasimasut qinersisinnaatitaanngillaq.

§ 3. Kinaluunniit qinersisartut allassimaffiannut ilangunneqarsimatininnani qinersisinnaatitaanngilaq.
§ 4. Kommunalbestyrelsimum qinigaasinnaatitaavoq kinaluunniit § 1 naapertorlugu tassunga qinersisinnaatitaasoq, pineqartoq ukiut kingullit tallimat ingerlaneranni inaarutaasumik eqqartuussinikkut akiiliitsissutissamilluunniit akuersinikkut pinerluttulerineremi inatsisit tunngavigalugit pineqaatissinneqarsimanngikkuni imaluunniit ukiut kingullit pingasut ingerlaneranni pissutsimut nalinginnaasumik isigineqarnermi kommunalbestyrelsimum ilaasortaanissamut naleqqukkunnaarsitsisumik pinerluttulerineremi inatsisit tunngavigalugit pineqaatissinneqarsimanngikkuni. Piffissaliussat taaneqartut ullormit qinersivimmiet atuutissapput.

Imm. 2. Taamaattoq kinaluunniit qinigassangortissinnaavoq pinerluuteqarsimanermigut pineqaatissinneqarsimanini pissutigalugu qinigaasinnaannginnera pillugu akerliliisoqaraluarpalluunniit.

§ 5. Kommunalbestyrelsimum qinersinermi kommunit tamarmik qinersivik ataasiupput.

Imm. 2. Kommunit tusarniaavagineqareerneratigut taasiartorfissat amerlassusissaat aammalu qinersivinni ataasiakkaani kommunalbestyrelsimi ilaasortat amerlassusissaat Naalakkersuisut aalaj angersassavaat.

§ 6. Kommunalbestyrelsimit ilaasortat ukiuni sisamani ilaasortaasussatut qinigaassapput, tamarmillu ataatsikkut tunuassallutik, taamaattorli takuuq § 50.

Imm. 2. Qinigaaffik majip aallaqqataaniit naatsorsunneqartassaaq, qinersinerlu pissalluni aprilimi ullumi Qinersinermut ataatsimiitaliamit aalajangerneqartumi.

Qinersinermut piareersaanerit

§ 7. Qinersineq Qinersinermut ataatsimiitaliamit siulersorneqassaaq.

Imm. 2. Qinersinermut ataatsimiitaliap allattuiffigissavaa qinersinermik allattaavik, tassani allanneqassallutik suut qinersinermut pingaaruteqarnerusut, taakkununnga ilanngullugit qinigassanngortitat partiillu pillugit paasissutissat aammalu qinersinerup naatsorsorneqarnera.

Imm. 3. Qinersinermut ataatsimiitaliap qinersinermik siulersuisunut sapinngisamik piaartumik nalunaarutigissavaa ullormi sumi qinergineq ingerlanneqassanersoq aammalu qinigassanngortitanik nalunaarutit qaqgu tunniunneqassanersut.

Imm. 4. Qinervinni tamani qinergineq piareersarneqarlunilu siulersorneqassaaq qinersinermik siulersuisunit aamma taaguerinermik siulersuisunit §§8 aamma 9 naapertorlugit toqcarneqartunit.

§ 8. Qinergineq qinervinni tamani qinerginermik siulersuisunit piareersarneqarlunilu siulersorneqassaaq.

Imm. 2. Qinerginermik siulersuisunut ilaasortaassapput borgmesteri aamma communalbestyrelsimit ilaasortat ikinnerpaamik marluk communalbestyrelsimit qinerneqarsimasut. Borgmesteri qinerginermik siulersuisunut siulittaasussaaq.

Imm. 3. Qinerginermik siulersuisunut ilaasortaq tunuarpat communalbestyrelsi ilaasortami akornannit tunuartup taartissaanik toqqaassaaq.

Imm. 4. Borgmesteri qinerginermik siulersuisunit tunuarpat taakku ilaasortamik akornannit siulittaasussaminnik nutaamik toqqaassapput.

§ 9. Qinerginermik siulersuisut qinervimmi taasiartorfissanut ataasiakkaanut tamanut inunnik qinergisinnatitaasunik taasiartorfissani pineqartuni taaguerinermik siulersuisussanik toqqaassapput aammalu immaqa qinergisartunik qinersinerup ingerlanneqarnerani ikuuttussanik aalajangersimasumik amerlassuseqartitaminnik toqqaassallutik.

Imm. 2. Taaguerinermik siulersuisussaq qinigassanngortippat qinerginermik siulersuisut taaguerinermik siulersuisussamik nutaamik toqqaassapput.

§ 10. Inuit § 8, imm. 2 aamma § 9 naapertorlugit toqcarneqartut taamatut suliassinneqarnerminnunt akuersinissaminnut pisussaapput.

Imm. 2. Kommunalbestyrelsip inuit § 9 naapertorlugu toqcarneqartut qinersinerup ingerlanneqarneranut atatillugu suliaqarnerannut aningasarsiaqartissavai. Aningasarsisitsisoqartassaaq kommuninik aqtsineq pillugu Inatsisartut inatsisaanni aaliangersakkat malillugit.

§ 11. Qinerginermik siulersuisut Qinerginermut ataatsimiitaliamit nalunaarfingineqarsimanertik naapertorlugu piffissaq taasiffissaq piaernerpaamik nalunaarutigisassavaat, tak. § 7, imm. 3.

Tamatunngut peqatigillugu nalunaarutigineqassapput taasiartorfissat ataasiakkaat inuillu taasiartorfissani ataasiakkaani taaguerinermik siulersuisussatut toqcarneqarsimasut aqqi kiisalu communalbestyrelsimit ilaasortatut qinerneqartussat amerlassusiat aammalu piffissaq qinigassanngortitanik nalunaarutinik tunniussivigineqareersimasussaq.

Imm. 2. Qinerginermik siulersuisut taaguerinermilu siulersuisut qinerginermik allattaavinnik Qinerginermut ataatsimiitaliamit nassiunneqarsimasunik, qinerginermut tunngassutilit pingaaruteqarnerasut

allattorsimaffiannik, allattaaveqartassapput taakkunani lu ilanngullugit qinigassanngortitanik nalunaarutit tunniunneqarsimasut, taasiviit atorsinnaasut amerlassusii, taasiviit atorsinnaanngitsut amerlassusii aammalu sooq atorsinnaannginnerinut pissutaasut, kiisalu qinersinerup inernerata inaarutaasumik naatsorsornera pillugu paasissutissat allattomeqartassapput, taasiartorfinniliu tamani immikkut taamaaliortoqartassaaq.

Imm. 3. Taaguinermik siulersuisut suut tamarmik taasinissamut aaqqissuunneqareersimanissaat isumagisassavaat, pingaartumillu qinersisussat allassimaffiata pappiarallu taasiviit piareersimanissaat isumagisassallugu, aammalu inini qinersivinni tamani ineeqqamik taasivissamik aammalu qinersinemut tamanut karsimik taasivimmik nakkartitsivissamik peqarnissaa.

Imm. 4. Imm. 1 naapertorlugu tamanut nalunaaruteqartameq allagarsiinikku qinersinermilu siulersuisut erseqqinnerusumik aalajangiinera malillugit pisassaaq.

§ 12. Qinersinissamut qinigassanngortittut kisimiillutik qinigassanngortittut, kisimiillutik qinigassanngortillutikkattusseqatigiittut, tak. § 14, imaluunniit partii qinigassanngortitsisinnaasoq, tak. Inatsisartunut qinersisameq pillugu inatsisartut inatsisaat, sinnerlugu qinigassanngortissinnaapput.

§ 13. Partii sinnerlugu qinigassanngortittut nalunaarutigineqarnerat Qinersinermut ataatsimiitaliap partiinut nalunaarsuiffissatut allaffisiaatigut pisassaaq. Nalunaarut qinersivimmi taaguinermik siulersuisumut tunniunneqareersimassaaq kingusinnerpaamik qinersinissaq sapaatip akunnerinik pingasunik sioqqullugu nal. 12.00.

Imm. 2. Partiimik qinigassanngortitsinermut nalunaarsuiffimmi qinigassanngortittut aqqi, inuui, atorfii najugaalu allassimassapput. Qinigassanngortittut qinersinissamut qinigassanngortinnertik namminneq atsiorlutik upternarsarsimassavaat. Nalunaarummi namminermi imaluunniit taassuma assilineqarnerani atsiortoqarsinnaavoq.

Imm. 3. Partiinut nalunaarsuiffit nalunaarutigineqameri partiimi oqartussaasunit, partiip malittarisassai malillugit kommunalbestyrelsinut qinersinermut qinigassanngortitsinissamut akuerineqarsimasunit, atsiomeqarsimassapput. Partiit qinigassanngortitsmermik akuersissutaat partiinut nalunaarsuiffit assilineqarnerisa atsiornernik qulaani taaneqartunik ilaqtillugit taaguinermi siulersuisumut nassiunneqarnerisigut pisinnaapput.

Imm. 4. Partiit qinigassanngorteqatigiinnissamik isumaqatigiissuteqarsinnaanngillat.

§ 14. Qinigassanngortittunik partiit avataanni qinigassanngortitanik nalunaarut Qinersinermut ataatsimiitaliap qinigassanngortittut pillugit allaffisiaasigut nalunaarutigineqartassaaq, taaguinermilu siulersuisumut tunniunneqarsimassalluni § 13, imm. 1-imi piffíssaritinneqartoq sioqqullugu.

Imm. 2. Qinigassanngortitamik nalunaarummiissapput, qinigassanngortittup aqqa, inuuia, atorfia najugaalu. Qinigassanngortittut qinersinissamut qinigassanngortinnejarnertik namminneq atsiorlutik upternarsarsimassavaat. Nalunaarummi namminermi imaluunniit taassuma assilineqarnerani atsiortoqarsinnaavoq.

Imm. 3. Partiit avataanni qinigassanngortittut marluk amerlanerusulluunniit kattusseqatigiinnikkut tapersersoqatigiinniarlutik isumaqatigiissinnaapput. Qinigassanngortitaq ataaseq kattusseqatigiinni ataasiinnarni peqataasinjaavoq. Qinigassanngortitap qinigassanngortitaq alla ataaseq amerlanerusulluunniit kattusseqatigisimappagit nalunaarummi tamanna taaneqarsimassaaq. Qinigassanngortitat kattusseqateqarnissartik atsiorlutik akuersissutigisimassavaat. Akuersissutit nalunaarummi namminermi taassumaluunniit assilinerini nalunaarutigineqarsinnaapput.

§ 15. Partiit avataanni qinigassangortittut nalunaarutigineqarneri qinersivimmi qinigassan-ngortitsisunit ikinnerpaamik qulinit amerlanerpaamillu 20-nit atsiorneqarsimassapput, qinersivinnili qinersinissaq sioqqullugu ukiumi januarip aallaqqaataani 1.000-it inorlugit inulinni qinigassangortitsisunit minnerpaamik tallimanit amerlanerpaamillu qulinit. Atsiornerit nalunaarummi namminermi issinnaapput taassumalluunniit assilineraniissinnaallutik. Nalunaarummi allassimassapput qinigassangortitsisut tamarmik immikkut aqqi, inuuii, atorfii najugaallu. Qinigassangortitsisut ilaat ataaseq nalunaarut pillugu qinigassangortitsisut tamaasa sinnerlu-git saaffigineqarsinnaasutut allassimassaaq. Qinigassangortitsisut aqqi qinersisartumit allamit kimilluunniit piumasarineqarpata nalunaarutigineqassapput.

§ 16. Kinaluunniit partiinut ataatsimit amerlanerusunut qinigassangortissinnaanngilaq imaluunniit partiimut qinigassangortiitigaluni partiit avataanni qinigassangortissinnaanani.

Imm. 2. Kinaluunniit qinigassangortittunut arlalinnut qinigassangortitsisuusinnaanngilaq. Aamma qinersisartoq taamaallaat qinersivimmi qinersisartut nalunaorsorsimaffianni allassimaffímmmini qinigassangortittunut qinigassangortitsisuusinnaavoq.

§ 17. Qinigassangortittup qinigassangortitsinermik nalunaarut tunniunneqareersimasoq taaguerinermik siulersuisumut qinersinissaq kingusinnerpaamik sapaatip akunnerinik pingasunik sioqqullugu nal. 12.00 tunuartissinnaavaa. Qinersisartup qinigassangortitsisutut qinigassangortittumik inassuteqarsimasup inassuteqarnini utertissinnaanngilaq qinigassangortitsinermik nalunaarut taaguerinermi siulersuisumut tunniunneqareersimappat.

§ 18. Taaguerinermi siulersuisup qinigassangortitanik nalunaaruteqarnissamut piffissaliussaq naaniariarpak, tak. § 13, imm. 1, pilertornerpaamik telefaxikkut imaluunniit allatut iliornikkut qinigassangortitanik nalunaarutit tigusimasani allakkatigut qinersinermik siulersuisunut nalunaarutigissavai taakkunanilu qinigassangortitsisut amerlassusii atorsinnaasut oqaatigalugit aammalu taaguerinermik siulersuisup isumaa malillugu nalunaarutit § 12-imut 17-imut piumasaasunik naammassinninersut paassisstissiissutigalugu.

Imm. 2. Qinersinermik siulersuisut nalunaarutissaq imm. 1-imi taaneqartoq taaguerinermi siulersuisuiniit tigoreerunikkunaarutaasumik aalajangissavaat nalunaarutit tiguneqarsimasut atorsinnaasutut isigneqassanersut, tamannalu piaartumik taaguerinermik siulersuisunut nalunaarutigalugu.

Qinigassangortitap nalunaarutigineqarnerani kukkaneqarsimappat qinersinermik siulersuisut pineqartoq kukkunerup aaqqinneqarnissaanut ulluinnarnik marlunnik piffissalissavaat.

Imm. 3. Qinersinermik siulersuisut qinigassangortittut aqqi piaarnerpaamik tamanut nalunaarutigissavai. Qinigassangortittoq partii sinnerlugu qinigassangortippat imaluunniit qinigassangortittut arlallit kattusseqaüigíssimappata, nalunaarummi tamanna taaneqassaaq.

Imm. 4. Qinigassangortittut aqqi allagarsiinikkut aammalu qinersinermik siulersuisut aalajangiinerat malillugu nalunaarutigineqassapput.

§ 19. Qinigassangortitanik nalunaaruteqarnissamut piffissaliussap naanerani qinersivimmi qinigassangortitat qinersivimmi kommunalbestyrelsimit ilaasortassatut qinerneqartussaniit ikinnerusut nalunaarutigineqarsimappata qinersinermik siulersuisut qinersisartut kajumissaassavai piffissaq erseqqinnerusumik taasaq naatinngagu qinigassangortitanik amerlanerusunik nalunaarutiginneqqullugit.

§ 20. Qinigassangortitanik nalunaaruteqarnissamut piffissaliussap naanerani qinersivimmi qinigassangortitat qinersivimmi kommunalbestyrelsimit ilaasortassatut qinerneqartussat amerlaqtigippatigit, qinersinermik siulersuisut communalbestyrelsimit qinersinissaq taamaatiinnassavaa

nalunaarutigalugulu qinigassanngortittutut nalunaarutigineqarsimasut taasinertaqanngitsumik qinigaasut.

Imm. 2. Qinersinermik siulersuisut qinersinermut allattaavinni erseqqissumik nalunaassavaat kikkut qinigaasutut isigineqarnersut, qinigaasullu qinigaanerat pillugu allakkatigut nalunaarfifgissallugit.

Qinersisussat allassimaffi

§ 21. Ulloq qinersivissaq aalajangemeqareerpat qinersinermik siulersuisut inuit kingusinnerpaamik ullormi qinersivissami § 1 malillugu qinersisinnatitaasutut piumasaqaatinik equuutsitsisut kiisalu qinersivirmni pineqartumi inuit aqqisa nalunaarsorsimaffiannut nalunaarsimasut kikkuunerinik allattuiffiit suliarissavai.

Imm. 2. Qinersisussat allattorsimaffianni ilaatinneqassapput inuit qinersinissaq sioqquullugu kingusinnerpaamik sap. akunnerisa arfíniliissaanni qinersivimmut nuussimasut aammalu kingusinnerpaamik ulloq taanna nuunnerminnik kommunimi inuit aqqisa nalunaarsorsimaffiannut allatsissimasut.

Imm. 3. Qinersisartut qinersinissaq sioqquullugu kingusinnerpaamik sap. akunnerisa arfíniliissaanni qinersiviup iluani nuussimasut aammalu kingusinnerpaamik ulloq taanna nuunnerminnik kommunimi inuit aqqisa nalunaarsorsimaffiannut allatsissimasut najugarilikkaminni allassimallutik qinersisussat allassimaffiannut ilanngunneqassapput.

Imm. 4. Qinersisartut qinersinissaq sioqquullugu kingusinnerpaamik sap. akunnerisa arfínillit iluanni qinersiviup iluani nuussimasut imaluunniit ullormit tassannga kingusinnerusumik nuunnerminnik nalunaaruteqarsimasut najugarisimasaminni najugalittut qinersisussat allattorsimaffianni nalunaarsorneqassapput.

Imm. 5. Qinersisartut qinersinissaq sioqquullugu kingusinnerpaamik sap. akunnerisa arfmillit iluanni qinersiviup avataani aalajangersimasumik najugaqarsimasut qinersinermik siulersuisunit qinersisussat allattorsimaffiannit peerneqassapput.

Imm. 6. Qinersisartut allassimaffisa suliarineqarnerinut maleruagassat erseqqinnerusut Naalakkersuisunit aalajangersameqarsinnaapput.

§ 22. Qinersisussat allassimaffiat qinersiviup iluani taasiartorfit ataasiakkaat tamaasa immikkoortortanngorlugit suliarineqassaaq.

Imm. 2. Qinersisussat allassimaffianniissapput qinersisartut aqqi inuuialu aammalu Ilagiinnut ilaasortaanerat. Taamatuttaaq qinersisussat allassimaffiat krydsiliivissaqassaaq communalbestyrelsimit qinersinermi taamatullu aamma krydsiliivissaqassalluni ilagiit sinnisaannut qinersinermi.

Imm. 3. Ilagiinnut ilaasortaaneq pillugu paassisutissat tamanut saqqummiunneqassangillat. Qinersisartoq kinaluunniit pisinnaatitaavoq nammineq qanoq nalunaarsorneqarsimanini pillugu paasitinneqarnissaminut.

Imm. 4. Qinersisussat allassimaffianni ilagiinnut immikkut tunngasuni ilanngunneqarsimaneq imaluunniit ilanngunneqarsimannineq pillugu naammagittaalliuutit Kalaallit Nunaata biskoppeqarfíani biskoppimut ingerlatinneqassapput § 62 malillugu.

§ 23. Qinersisussat allassimaffiat kingusinnerpaamik ulloq qinersivissaq sap. akunnerinik pingasunik sioqquullugu qinersivimmi kikkunnit tamanit takuneqarsinnaanngorlugu ulluinnarni marlunni saqqumitinneqassaaq.

Imm. 2. Qinersisussat allassimaffiat qinersiviup iluani taasiartorfit ataasiakkaat tamaasa immikkoortortanngorlugit suliarineqarsimappat immikkoortortat tamarmik kikkunnilluunniit

tikinneqarsinnaasumi saqqumitinneqassapput, qinersiviullu taarsiartorfíni allani tamani saqqumitinneqassalluni qinersisussat allassimaffiata taasiartorfímmut atortup assilinera.

Imm. 3. Qinersisussat allassimaffiata qaqgu sumilu saqqumitinneqarnissaa qinersinermik siulersuisut aalajangissavaat.

§ 24. Kinaluunniit isumaqartoq nammíneq imaluunniit inuk alla pissutissaqanngítsumik allassimaffímmi ilanngunneqarsimanngítsoq imaluunniit ilanngunneqarsimasoq, qinersisussat allassimaffiata saqqumitinneqarfíssata naanerata kingorna kingusinnerpaamik ulluinnaat marluk qaangiutsinnagít qinersinermik siulersuisunut naammagittaalliornermut pissutaasut naatsumik taallugit allakkatigut naammagiltálliuitqeinqarsinnaavoq.

Imm. 2. Qinersisussat allassimaffiát pillugu naammagittaalliuutit sapingisamik piaernerpaamik qinersinermik siulersuisunit aalajangiiffígineqassapput. Qinersisussat allassimaffí tamatuma kingorna iluarsineqarsimasui qinersinermik siulersuisut siulittaasuannit atsiorneqassapput.

Imm. 3. Kinaluunniit qinersisussat allassimaffiannit peerneqarsimasoq, imaluunniit nammíneq inuulluunniit allap ilanngunneqarsimanngínnérannik naammagittaalliuutini pillugu isumaqatigineqanngítsoq qinersinermik siulersuisunit allakkatigut nalunaarfígineqassaaq.

Imm. 4. Inuup qinersisinnatitaanngínnérminik naammagittaalliuuteqartup qinersisussat allassimaffiata immikkoortoq 2 malillugu iluarsineqarnerata kingorna ulluinnaat marluk qaangiutsinnagít apeqqut allakkatigut saqqummiussinnaavaa Qinersinermut Atatsimiititaliamut inarutaasumik aalajangiisussamut, taamaattoq tak. § 22, imm. 4. Qinersinermut Atatsimiititaliap naammagittaallioraq qinersinermílu siulersuisut attuumassuteqartut aalajangiinerminik nalunaarfígíssavai, tamatumalu kingorna qinersisussat allassimaffianni iluarsisassat qinersinermik siulersuisunit iluarsineqassapput.

Imm. 5. Tamatuma saniatigut qinersisussat allassimaffiát, immikkoortoq 2 aamma 4 naapertorlugit qinersinermik siulersuisunit iluarsineqareeruni allangortinnejqarsinnaanngilaq.

Taagineq

§ 25. Qinersinermut Atatsimiititaliaq pappiarat taasivissat pissarsiarinissaat, ilusilernissaat agguannissaallu pillugit aalajangersagaliussaaq. Pappiarat taasiviit kalaallisut qallunaatullu naqitanik allagartaqassapput: "Kommunimut qinersineq".

§ 26. Taasisoqassaaq taasiartortarfíni tamani inimi qinersinennik siulersuisunit ínnersuussutigineqartumi.

Imm. 2. Taaguinermi siulersuisup inimi taaneqartumi ineqqamik imatut ilusilimmik taasiveqarnissaa isumagíssavaa: Taqqamani inuk nikorfísinnaassaaq ineqqap silataani inunnit allanit takuneqarsinnaanani. Ineeraq naammattumik qaammaqquteqassaaq, allannerit erseqqíssumik atuarneqarsinnaallutik aammalú aqerluusamik nalinginnaasumik qernertumik peqassaaq allannermullu toqqavíssamik manngertumik peqassalluni.

Imm. 3. Ineqqap taasiviup silataani taasinermut karseqassaaq parnaarsimasumik, taannalu sananeqarsimassaaq pappiarat taasiviit taasinennut karsí ammaqqaartinnagu ammunneqarsinnaajunnaarlugit.

§ 27. Taaguinermi siulersuisup taaguinerup aallartinnerani taagineq ammarnerarlugu nalunaarutigíssavaa, najuuttullu isigitillugit karsít nakkartitsiviit ammarialrugit imaqaanngínnérat takutissallugu, taamaaliodeerunilu karsít parnaassavai.

Imm. 2. Inimi qinersivímmi erseqqíssunngorlugu inissitamik allagartaqassaaq, tassani allassimassallutik qinersivímmi partiit inuillu qinigassanngortittut aqqi. Qinigassanngortittut arlallit kattusseqatigiíllutik

qinigassanngortissimappata allagartaq tamatumunnga paasissutissanik imaqtarinneqassaaq. Allagartap taassuma assinga ineeqqami taasivimmi, allannissami allequttap qulaatunginnguani, nivingatinneqassaaq. Allagartat taaneqartut Qinersinermut ataatsimiitaliamit pissarsiarineqassapput.

Imm. 3. Qinersisoqassaaq nammineerluni inimut qinersivimmukarnikkut, qinersisussarlu taaguinerimi siulersuisumut saaffiginnissaq. Taaguinerimi siulersuisup qinersisussat allassimaffianni qinersisartup aqqa nalaatigut krydsilissavaa, taavalu qinersisartoq pappiaramik taasivissamik allaffigineqarsimanngitsumik tunissallugu.

Imm. 4. Taasineq pissaaq ineeqqami taasivimmi allamik inoqartussaanngitsumi. Qinersisartup pappiara taasivissaq immersussavaa qinigassanngortittup imaluunniit partiip communalbestyrelsimit qinigaatinniakkap aqqa allallugu. Taava qinersisartup pappiara taasivik peqissavaa, kina taasimancerini allanit takuneqarsinnajunnaarlungu. Qinersisartoq taamaalioereruni pappiara taasivik peqitaq karsimut nakkartitsivimmut ikissavaa pissutissaqanngitsumillu uninnganani inimit qinersivimmit qimagutissalluni.

Imm. 5. Nalinginnaasumik taasisitsineq naammassereerpat taaguinerimi siulersuisoq nammineerluni taassisaaq.

Imm. 6. Qinersisartup pappiara taasivik kukkusumik immersorneratigut imaluunniit mianersuaalliornikkut atorsinnaajunnaartissimaguniuk allamik taarsertissinnaavaa. Allamik taarsertitsisoqarsinnaanngilaq pappiara taasivik karsimut nakkaatsivimmut nakkartineqareersimappat. Pappiara taasivik atorsinnaajunnaarsitaasimasoq taaguinerimi siulersuisumit immikkoortillugu toqqortarineqassaaq.

Imm. 7. Qinersisartup pappiara taasivik pissusissaatut nammineerluni immersorsinnaanngippagu taaguinerimi siulersuisup qinersisartoq pineqartoq ikiussavaa. Qinersisartut angallarlunnertik pissutigalugu allamilluunniit assigisaanik peqquteqarlutik inimut taasivimmut isersinnaanngitsut taaguinerimi siulersuisoq isigitillugu inip taasiviup silatinnguani taasisinnaassapput. Qinersisartup tappiitsuguni isigiarsuttuuguniluunniit taasinermi inummut najuuttumit, nammineq toqqakkaminit, taamaallaat ikiorneqarnissani piumasarisinnaavaa.

§ 28. Qinersineq aallartissaaq nal. 9 naammassineqassallunilu nal. 20, siusinnerusukkulli naammassineqassaaq qinersisussat tamarmik nalunaaqutaq taasaq nallertinnagu taasiartoreersimappata.

Taassisutinik allakkatigut nassitsinikkut taasineq

§ 29. Qinersisartut, taasinissamut piffissaliussat iluanni taasiartorfimmukarsinnaanngitsut imaluunniit aatsaat ajomartorsiorujussuarlutik taasiartoriimmukarsinnaasussat, §-ini 30 - 35-ini maleruaqqusat malillugit pappiaramik taasivimmik nassitsinermikkut taasisinnaapput.

§ 30. Qinersisartut Kalaallit Nunaanniittut inuit aqqinik nalunaarsuiffimmi, tassungalu ilangullugu qinersivimmi qinersisussat allassimafiannut allanneqarfingisamasinni inuit aqqinik nalunaarsuiffimmi, taasisinnaapput.

Imm. 2. Qinersisartut napparsimmavimmi imaluunniit peqqissartarfinni paarineqartarfinniluunniit allani uninngasut, napparsimavimmi uninngaffigisaminniluunniit allami maleruaqqusat Naalakkersuisunit aalajangersakkat naapertorlugit taasisinnaapput.

Imm. 3. Qinersisartut Kalaallit Nunaanni pinerluttunik isumaginnitqarfiiup inissiisarfiiini inissinneqarsimasut inissinneqarfingisaminni maleruaqqusat Naalakkersuisuinit aalajangersakkat naapertorlugit taasisinnaapput.

Imm. 4. Qinersisartut inoqarfinni avinngarusimasuni immikkut taasiartorfmnngitsuni najugaqartut inummut qinersinnaasumut Qinersinermik siulersuisunit attavigisaminnit toqqarneqarsimasumut

taasisinnaapput.

Imm. 5. Qinersisartut timmisartut mittarfiini, silasiorfinni il.il. kommunit aggornerisa avataanniittuni najugaqartut inummut Qinersinermut Ataatsimiititaliamit Naalakkersuisunit piginnaatitaasumut taasisinnaapput.

Imm. 6. Qinersisartut naalagaaffiup ilaani allani najugaqartut inuit aqqnik nalunaarsuffimmi imaluunniit Qinersinermut Ataatsimiititaliamit piginnaatinneqartumi taasisinnaapput.

Imm. 7. Qinersisartut naalagaaffiup avataani najugaqartut qallunaat aallartitaqarfíni imaluunniit konsuleqarfíni taasisinnaapput.

Imm. 8. Qinersisartut umiarsuarni Kalaallit Nunaanni angerlarsimaffeqartuniittut umiarsuup naalagaanit, taassumaluunniit toqqagaanit, taasisinnejarsinnaapput.

Imm. 9. Qinersineq siusinnerpaamik sapaatip akunnerinik 6-inik sioqqullugu taasisoqarsinnaavoq.

§ 31. Qinersinermut Ataatsimiititaliap § 32, imm. 1 naapertorlugu Kalaallit Nunaanni allakkatigut taasinermi atortussat pisariaqartinneqartut pissarsiavissavaai.

Imm. 2. Kalaallit Nunaata avataani taasinermi Danmarkimi Savalimmiunilu kommunimut qinersinermut atatillugu taasivissat atorneqartartut atorneqartassapput.

§ 32. Qinersisartoq taasiartorfínni § 30-imí taaneqarsimasut ilaanni taasinernik tigooqqaasussamut saaffiginninnermigut pappiaramik taasivimmik, puussaqarlunilu allakkanik nassitsissutitaqarlunilu ungaluusartalimmik tunineqassaaq. Qinersisartup allanit isigineqarani pappiara taasivik ernerluni immersussavaa kommunalbestyrelsimum qinersiviup, qinersisartut allassimaffiannut allanneqarfígísimasami, iluani partiip arlaata aqqa allallugu imaluunniit kommunal-bestyrelsimum qinersivimmi qinigassanngortissimasut arlaata aqqa allallugu.

Imm. 2. Qinersisartoq taasereemiaripat allakkat nassitsissutit immersomeqassapput. Taakku ukuninnga imaqassapput:

1) Qinersisartup nammíeq piumassutsimínik allanillu isigineqarani pappiaramik taasivimmik immersuisimaneranik, puussanut ikisisimaneranik taassuminngalu matusisimaneranik uppernarsaat. Qinersisartup aamma ilumoorluinnarluni uppernarsassavaa ullormi qinersivissami taasinissamut piffissaliussat iluanni taasiartorfíssamukarsinnaanani imaluunniitaatsaat ajornartorsiorujussuarluni taasiartorfíssamukarsinnaalluni. Qinersisartup taasinermik tigusisussaq isigitillugu allakkat nassitsissutissat atsiussavai, allakkanilu nassitsissutini taaneqassapput atsiorerup ullua, qinersisartup aqqi tamarmik, inuuia, atorfia, kommunimilu qinersisussat allattorsimaffiannut ilanngunneqarfígísimasámini najugaa.

2) Qinersisartup atsiorerata ilumortuuneranik aammalu qinersisartup piffissami sumiiffimilu taasaani pisimaneranik, kiisalu allanit isigineqarani taasisimaneranik taasinermik tigusisup uppernarsaasiussaa. Uppernarsaat taanna pineqartumit namminermit ateq, atorfik, najugarlu allallugit atsiomeqassaaq.

§ 33. Puussaq pappiaramik taasivimmik allakkanillu nassitsissutinik imalik ikineqassaaq puussamut tassunga ikisiffissiamut, taannalu matuneqassaaq, kommunimullu qinersisartup qinersisussat allassimaffíanni allanneqarfígísimasaanut nassiunneqassalluni. Puussap tunuani erseqqissumik allanneqassapput qinersisartup aqqa najugaalu. Taasinermik tigusisup pisariaqanngitsumik kinguarsaanani puussaq kommunimut nassitsivissamut nassiuressavaa.

§ 34. Kommunip puussaq nassiunneqarsimasoq ammarnagu ernerluni taasiartorfímmi qinersisartup pineqartup najugaatut puussami taaneqarsimasumi taaguermeri siulersuisumut ingerlateqqissavaa. Puussat taagineq naammassitinnagu taagineermi siulersuisumit tiguneqareersimassapput.

§ 35. Taaguinerup naammassineqariitsiamerani puussat tiguneqarsimasut taaguinermi siulersuisumit ammarneqassapput, taassumalu misissussavaa allakkatigut taasinerit taasinernut ilanngunneqarsinnaersut. Allakkatigut taasineq taasinemut ilanngunneqarsinnaappat qinersisartup pineqartup aqqa qinersisussat allassimaffianni krydsilerneqassaaq, taavalu allakkat puussaat pappiaramik taasivimmik imalik ammamagu karsimut nakkartitsivimmut nakkartinneqassaaq.

Imm. 2. Paasineqarpat puussaq inummit qinersisussat allassimafianni ilanngunneqarsimanngitsumeersoq, imaluunniit qinersineqartinnagu toqusimasumeersoq, taava naatsorsuutigeqqinnejqassanngilaq. Aamma taamaappoq puussaq allamik imaluunniit allakkanik nassitsissutinik ataasiinnaanngitsunik allakkalluunniit puuannik ataasiinnaanngitsumik imaqarpat, imaluunniit puussap, allakkat puuata allakkalluunniit nassitsissutit isikkuatigut isumaqarnarpot inatsimmut naapertuuttumik suliarineqarsimasuuungitsoq, imaluunniit immersorneqarnerat, upternarsarneqarsimancerat atsiorneqameralluunniit peqqussutigineqartut malillugit pisimanngippat, takuuk § 32.

Imm. 3. Puussat aatsaat taasineq naammassereersoq taaguinermi siulesuisumit tiguneqartut naatsorsuutigineqassanngillat.

Imm. 4. Qinersisartut ullormi qinersivimmi taasisimasut allakkatigut taasineri ilanngunneqarsinnaanngillat.

Imm. 5. Puussat, allakkat nassitsissutit, allakkat puui pappiarallu taasiviit tamarmik qinersinermik siulersuisunut nassiunneqassapput atortussanut § 44-mi taaneqartunut ilanngullugit.

Taasanik kisitsineq il.il.

§ 36. Taaguineq naammassineqamiariarpot taaguinermi siulersuisup immikkut poortugakkuutaarlugit makku qilersussavai:

- 1) Pappiarat taasiviit atorsimanngitsut aamma
- 2) pappiarat taasiviit allamik taarsigassatut utertinneqarsimasut.

Imm. 2. Taamaalioreerniariarluni najuuttut isigitillugit karsi taasivinnut nakkaatitsivik ammassavaa taamaalioerer Pallu pappiarat taasiviit qainqeqassapput iluarsaannejqassallutillu pappiarat taasiviit 1) partiimut taassumalu qinigassanngortitaanut,
2) kattusseqatigiillutik qinigassanngortittunut aamma
3) qinigassanngortittunut partiit kattusseqatigiillu avataanniittunut immikkoortiterlugit qaleriissakkutaarlugit. Taamaalereerpata partiinut qinigassanngortitsisunut, kattusseqatigiinnut tamanut aammalu partiit avataasigut qinigassanngortittunut tamanut taasinerit qanoq amerlassuseqarnersut kisinneqalissapput.

Imm. 3. Taaguinermi siulersuisup tamatuma kingorna partiinut, kattusseqatigiinnut aammalu partiit avataasigut qinigassanngoriiittunut ataasiakkaanut tamaasa ataasiakkaarlugit naatsorsuusiussavai taasinerit qassit qinigassanngortittunut ataasiakkaanut tunngatinneqassanersut.

Imm. 4. Inuit qinersisinnaatitaasut ikinnerpaamik marluk qinersinermi taasinernik kisitsinermik tamanut ammasuusumik malinnaajartorlutik najuukkiartorsimanngippata taaguinermi siulersuisoq qinersisinnaasut akornanni inunnik marlunniq upternarsaasussatut najuuttusanik aggersaassaaq.

§ 37. Pappiara taasivik inimi qinersivimmi taasivigineqarsimasoq atorsinnaanngilaq:

- 1) Allaffigineqarsimanngikkuni,
- 2) erseqqissumik takuneqarsinnaanngippat partiit arlaat sorleq imaluunniit qinigassanngortittoq partiit avataanniittooq sorleq qinersisartup taaniarsimaneraa,
- 3) pappiarap taasiviup isikkua malillugu isumaqarnarpot pappiara taasivik inatsit naapertorlugu

suliarineqarsimasuunngitsoq.

Imm. 2. Allakkatigut taasivik atorsinnaanngilaq:

- 1) Allaffígineqarsimanngikkuni,
- 2) erseqqissumik takuneqarsinnaanngippat partiit arlaat sorleq imaluunniit qinigassanngortittoq partiit avataanniittooq sorleq qinersisartup taaniarsimaneraa,
- 3) allakkat puussaat allamik imaqrpat imaluunniit pappiaranik taasivinnik ataatsimit amerlanerusunik imaqrpat,
- 4) pappiarap taasiviup isikkua malillugu isumaqarnarpatt pappiara taasivik inatsit naapertorlugu suliarineqarsimasuunngitsoq imaluunniit pissusissat naapertorlugit immersorneqarsimanngippat.

Imm. 3. Pappiara taasivik atorsinnaanngitsuutinneqarpatt tamanna qinersinermik allattaavimmi, taaguermermi siulersuisup allattuiffigaani, allanneqassaaq, atorunnaarsitaaneranullu tunngaviusoq naatsumik taaneqarluni.

Imm. 4. Pappiarat taasiviit, taakkununngalu ilangullugit allakkatigut taasiviit, naliliiffigineqartarnissaat pillugu malittarisassanik Naalakkersuisut aalajangersaasinnaapput.

§ 38. Taasinermik kisitsineq naammasseriiginnartoq taasinernik nutaamik kisitsisoqlissaq. Aatsaat kisitsinerít marluk assigiimmik inerneqarpata taaguermermi siulersuisup qinersinermi taasinerit inernerri inaaruutaasumik naatsorsussavai.

§ 39. Qinersinermik allattaavimmi partiit qinigassanngortittullu nalunaarsorneqassapput.

Allattorneqassapput partiit ataasiakkaat taasinernik qasseraarsimanersut, aammalu allanneqassallutik partiit ataasiakkaat sinnerlugit aammalu partiit avataanni qinigassanngortittut tamarmik immikkut qassnik taaneqarsimanersut.

§ 40. Taasiartorfímmi qinersinerup inemera taaguermermi siulersuisup ingerlaannarluni qinersinermik siulersuiunut nalunaarutigissavaa.

Imm. 2. Qinersinermik siulersuisut nalunaarutit imm. 1-imi taaneqartut qinersivimmi taasiartorfínnit tigugunkit ingerlaannartumik Qinersinermut Ataatsimíititaliamut nalunaarutigissavaat. Nalunaarummi ilangullugit taaneqassapput taasiartorfínni ataasiakkaani qinersisinhaatitaasut qassiuneri aammalu qinersinermut atatillugu pissutsinik immikkut ittunik qinersinerup inerneranut sunniuteqarsinnaasunik atuuttoqarsimanersoq oqaatigineqassalluni.

§ 41. Qinersinermik siulersuisut taaguermermi siulersuisunit naatsorsukkat inernerri tigoreerunikkat qinersivimmi qinersinerup tamakkerluni inernerri naatsorsussavaat.

Imm. 2. Naatsorsuinermi taasinerit ataatsimut naatsorsorneqassapput makkununnga agguataarlugit

- 1) partiit ataasiakkaat taakkulu qinigassanngortitaat
- 2) kattusseqatigiit ataasiakkaat qinigassanngortitaat
- 3) kisimiillutik qinigassanngortittut ataasiakkaat.

Tamatuma kingorna ilaasortaaffit agguataarneqassapput d'Hondtip periaasia malillugu, tassa partiit ataasiakkaat, kattusseqatigiit ataasiakkaat kisimiillutilu qinigassanngortittut ataasiakkaat taasisaasa katinneri 1-imik, 2-mik, 3-mik kommunalbestyrelsimalu ilaasortaasinnaasut amerlassusaat tikillugu agguartitemeqassapput. Qinersivimmi siulliulluni ilaasortanngussaaq partii, kattusseqatigiit imaluunniit kisimiilluni qinigassanngortittoq amerlanerpaamik taagorneqarsimasoq, qinersivimmi tulliulluni ilaasortanngussalluni partii, kattusseqatigiit imaluunniit kisimiilluni qinigassanngortittoq, amerlanerpaamut tulliulluni taaguunneqarsimasoq ilaasortaaffissat tamakkernissaasa tungaanut.

Imm. 3. Qinersivimmi ilaasortaaffit partiimit kattusseqatigiifffimmilluunniit ilaasortaaffigineqalersussat

partiip kattusseqatigiiffiulluunniit qinigassanngortitaanut agguarneqassapput qinersivimmi siulliulluni ilaasortaasussanngorlugu qinigassanngortitaq amerlanerpaamik taagorneqarsimasoq, qinersivimmi tulliulluni ilaasortaasussanngorlugu qinigassanngortitaq amerlanerpaamut tulliulluni taaguunneqarsimasoq ilaasortaaffisat tamakkernissaasa tungaanut.

Imm. 4. Partiit, kattusseqatigiit kisiimiillutilluunniit qinigassanngortittut arlallit amerlaqatigiimmik taaguunneqarsimappata, tak. imm. 2, qinersinermik siulersuisut tannermoortitsineratigut aalajangerneqassaaq kia arlaata ilaasortaaffik pissarsiarissaneraa. Aamma taamaappoq partiip kattusseqatigiilliunniit qinigassanngortitaasa akornanni ilaasortaaffit agguarneqarneranni, tak. imm. 3, partiip imaluunniit kattusseqatigiit qinigassanngortitaat arlallit assigimmik taagorneqarsimappata.

§ 42. Qinersinermik siulersuisut sinniisussanik nalunaarsuiffik suliarissavaa. Nalunaarsuiffimmi allattorneqassapput qinigassanngortittut qinigaasimanngitsut, kisiannili sinniisussatut kommunalbestyrelsimit ilaasortaasinnaatitaasut, takukkit §-it 50 aamma 51.

Imm. 2. Sinniisussanik nalunaarsuiffik partiinut kattusseqatigiinnullu ataasiakanut suliarineqartassaaq, taamaalillutik qinigassanngortittut qinigaanngitsulli taagorneqarnertik malillugu tulleriinnilfersomeqassallutik.

Imm. 3. Sinniisussanik nalunaarsuiffimmi qinigassanngortittut arlallit amerlaqatigiinnik taaguunneqarsimappata tulleriinnilfersomeqassallutik qinigaasut qinigaanerannik allaffigissallugit.

§ 43. Qinersinermik siulersuisut qinersinermik allattaavimmut allassavaat kikkut ilaasortassatut qinigaasutut isignerini, taavalu qinigaasut qinigaanerannik allaffigissallugit.

§ 44. Kingusinnerpaamik qinersinerup aqaguani taaguermermi siulersuisup pappiarat taasiviit qilertakkuutaarlugit ukuninnga imaqartillugit poortussavai:

1) Pappiarat taasiviit atorsinnaasut,

2) pappiarat taasiviit allaffigineqarsimanngitsut allallu atorsinnaanngitsut.

Imm. 2. Tamatuma kingorna poortukkat immikkoortoq 1-imi aamma § 36, imm. 1-imi taaneqartut qinersisussat allassimaffi atorneqarsimasut aammalu qinersinermik allattaavik taaguermermi siulersuisumit immersorneqarsimallunilu atsiorneqarsimasoq ilanngullugit, qinersinermik siulersuiunut piaernerpaamik nassiunneqassapput.

§ 45. Qinersinermik siulersuisut atortussat § 36, imm. 1-imi aamma § 44-mi taaneqartut qinersivimmi taasiartorfinnit tamaniiit tigoreerunikit, taamaattorli qinersinerup kingorna siusinnerpaamik sap. ak. marluk qaangitereerpata, ataatsimiissapput qinersinerup ingerlanneqarsimasup atorsinnaassusia aalajangerniarlugu, taamaattorli tak. § 53. Ataatsimiinnermut tassunga qinigassanngortittut qinigaasutut isigneqartut aggersameqassapput.

Imm. 2. Qinigassanngortittut qinigaasimagunik qinigaasimanngikkunilluunniit, aammalu kialluunniit qinersivimmi qinersisartup qinersinerup atorsinnaassusia naammagittaalliutigisinnaavaat.

Naammagittaalliomeq pissaaq allakkatigut, akerliliinermut pissutaasoq naatsumik oqaatigalugu, taasiartorfimmilu pineqartumi taaguermermi siulersuisumut nassiunneqassalluni kingusinnerpaamik qinersinerup kingorna ullut arfineq marluk qaangiutsinnagit. Taaguermermi siulersuisup naammagittaalliut oqaaseqaatigisariaqarsorisaminik ilallugu piaernerpaamik qinersinermik siulersuisunut ingerlateqqissavaa.

Imm. 3 Qinersinermik siulersuisuni ilaasortaq naammagittaalliuteqarpat, naammagittaalliullu taaguiffiinmi pineqartumi taaguermermi siulersuisumut saqqummiunneqarsimanngippat apeqqutip

aalajangiiffiqeqamissaa kinguartiiineqassaaq taama oqaaseqaateqartoqamissaata tungaanut.

Imm. 4. Qinersineq qinersinermik siulersuisuni amerlanerussuteqartunit

atortussajunnaarsinnejngikkuni akuerineqartutut isigineqassaaq.

Imm. 5. Qinersinermik siulersuisut aalajangiineri qinersinermik allattaavimmut allanneqassapput qinersinermillu allattaaviup nuutinneqarnera Qinersinermut Ataatsimiititaliamut nassiunneqassaaq.

§ 46. *Qinersinermik siulersuisut naammagittaalliuutit tiguneqarsimasut pillugit § 45 naapertorlugu aalajangiineri aalajangiinermit ullut arfineq marluk qaangiutsinnagit Qinersinermut ataatsimiititaliamut ingerlateqqinnejngikkuni akuerineqartutut isigineqassaaq. Naammagittaalliuut qinersinermik siulersuisunut pineqartunut allakkatigut tunniunneqassaaq, taassumalut taanna piaarnerpaamik Qinersinermut ataatsimiititaliamut ingerlateqqissavaa oqaaseqaatitalerlugu.*

Imm. 2. Qinersinermi annertuumik kukkusoqarsimappat Qinersinermut ataatsimiititaliaq pisinnaatitaavoq tunngavilersukkamik aalajangiinermigut qinersineq atorsinnaanngitsutut nalunaarutigissallugu qinersinermilu siulersuisut peqqussallugit nutaamik qinersisitseqeqqullugit.

§ 47. *Sapinngisamik piaartumik qinerseqqinnejngikkuni akuerineqassaaq.*

Imm. 2. Qinersisussat allassimaffiata atorneqarsimasup annertuumik amigaateqarnera pissutigalugu qinersineq atortussajunnaarsitaappat, qinersinerup atortussajunnaarsitaanerata peqatigisaanik aalajangerneqarsinnaavoq qinersisussat allassimaffiat iluarsineqassasoq nutaamik qinerseqqinnejqartinnagu inuit qinersinermi atortussajunnaarsitaasumi qinersisussat allassimaffianni ilangunneqarnissaminut pinmasarisaasunik eqqortitsisimanngitsut piameqarnerisigut aammalu inuit allassimaffimmi ilangunneqarsimasussaagaluartut ilangunneqarnerisigut. Taamatut aalajangiisoqarpat qinersinermik siulersuisut qinersinermik allattaaviup taamatut suliarineqarsimasup nalinginnaasumik misissorneqarnissaanut il.il. erseqqinnerusumik maleruaqqusaliusapput.

§ 48. *Qinersinermik siulersuisut ilaasortat nutaat qinigaanerat akuerisimappagu, aalajangiinerlu piffissaliussap § 46, imm. 1-imi taaneqartup naannginnerani Qinersinermut ataatsimiititaliamut naammagittaalliuutigineqarsimanngippat, communalbestyrelsiusimasoq aprilip 30-iani tunuassaaq.*

Imm. 2. Aalajangiineq piffissaliussap iluani Qinersinermut ataatsimiititaliamut naammagittaalliuutigineqarsimappat communalbestyrelsi ingerlaannassaaq, Qinersinermut ataatsimiititaliaq aalajangerserlugu qinersisoqaqqissanngitsoq, imaluunniit inatsisit malillugit nutaamik qinersisoqareernissaata tungaanut.

Imm. 3. Kommunalbestyrelsi imm. 1-imi malittarisassat malillugit aprilip 30-iata kingorna atuuttoq Naalakkersuisut akuersiseqqaartiraiagit aningaasartuuteqarsinnaanngilaq missingersuutini akuersissutaareersuni aalajangersarneqarsimanngitsumik, imaluunniit pisussaaffiliisinnaani missingersuutini tunngavissaqanngitsunik.

§ 49. *Kommunalbestyrelsimit ilaasortaasimasut tunuarniariarpata communalbestyrelsi nutaamik qinigaq sulilissaaq.*

Imm. 2. Naak communalbestyrelsiusimasoq tunuaraluartoq borgmesteriusup kommunimi ulluinnarni suliassat ingerlatiinnassavai, communalbestyrelsip nutaap inissitsiternissaata tungaanut.

§ 50. Ilaasortaq qinigaaffiup iluani communalbestyrelsimit tunuarniarluni qinnuteqarpat, communalbestyrelsip aalajangissavaa qinnuteqaat taamaattoq akuerineqarsinnaanersoq. Qinnuteqaat peqqissutsimut tunngasunik, sulanik assigisaannilluunniit pingaaruteqartunik qinnuteqartup ilaasortaanissaanut ajornartorsiutaasussamik pissuteqarpat, qinnuteqaat nalingirmaasumik akuerineqassaaq.

Imm. 2. Ilaasortaq qinigaaffiup iluani communalbestyrelsimit ilaasortaajunnaarpat, nammineersinnaajunnaarsitaappat imaluunniit toquppat, sinniisussamit taarsemeqassaaq. Tamanna aamma atuuppoq Qinigaasinnaassutsimut Atatsimiititaliaq aalajangiippat qinigassanngortitaq qinigaq qinigaasinnaanngitsoq.

Imm. 3. Ilaasortaq qinersivimmi najugaqarunnaarallarpat communalbestyrelsip aalajangersinnaavaa pineqartup qinigaasinnaanini annasimannngikkaa, taamaalillunilu communalbestyrelsimit ilaasortaajunnaarallaaraiassalluni qinersivimmi aalajangersimasumik najugaqaqqilernissami tunngaanut.

§ 51. Kisimiilluni qinigassanngortittoq kattusseqateqarani qinigassanngortissimasoq pissutsit § 50-im i taaneqartut tunngavigalugit ilaasortaajunnaarpat naammaqqtissamik qinersineqassaaq, taamaattoq tak. § 52.

Imm. 2. Ilaasortaaffik inuttaaruttoq partii sinnerlugu kattusseqatigiittulluunniit qinigaanikkut pissarsiaalluni qinersivimmi ilaasortaaffmpat ilaasortaaffik partiip kattusseqatigiilluunniit qinersivimmi qinigassanngortissimasaanit qinigaannngitsunit amerlanerpaanik taaneqarsimasumit pissarsiarineqassaaq, tak. § 42. Partii kattusseqatigiilluunniit qinersivimmi ilaasortaaffiup inuttaaruttup inuttalernissaanut sinniisussamik peqanngippata naammaqqtissamik qinersineqassaaq, taamaattoq tak. § 52.

§ 52. Kommunalbestyrelsimi aallaqqammut ilaasortasut affaanit amerlanerusut aalajangiippata, § 51-im aalajangersakkat apeqquaatinngagit, naammaqqtissamik qinersineqassanngilaq.

Imm. 2. Naammaqqtissamik qinersinermi qinigaasoq taamaallaat communalbestyrelsip atuuffissaata sinneranut qinigaassaaq.

Qinigaasinnaassuseq pillugu ataatsimiititaq

§ 53. Naalakkersuisut Qinigaasinnaassutsimut ataatsimiititaliamik pilersitsissapput, tassani siulittaasuussaaq Kalaallit Nunaanni landsdommeri allanillu sisamanik ilaasortaqassalluni, taakkunannga marluk Kalaallit Nunaanni Kommunit Kattuffiata toqqassavai communalbestyrelsintut nunaqarfínnilu aqutsisunut ilaasortat akornanni Inatsisartullu toqqassallugit marluk ilaasortami akomanni.

Tamatumunnga peqatigillugu ilaasortat sisamat tamarmik sinniisussaannik toqqaasoqassaaq.

Qinersinerit ukiuni sisamani atuutissapput.

Imm. 2. Kommunalbestyrelsimi ilaasortap qinigaasinnaanerminik annaasaqarsimaneranut apeqqtini tamani ataatsimiititaq aalajangiisassaaq, tak. § 4. Kalaallit Nunaata Biskoppeqarfiani biskoppi ilagiit sinniisaannut qinigaasinnaassuseq pillugu suliassani ataatsimiititamut aggersarneqartassaaq.

Imm. 3. Kommunalbestyrelsimit qinersinerup kingoma qaammat ataaseq qaangiutsinnagu communalbestyrelsit Qinigaasinnaassutsimut ataatsimiititaliamut nassiuressavaat communalbestyrelsimit ilaasortatut qinikkat tamarmik aqqisa cpr.nr.-muisalu allattorsimaffiat.

Imm. 4. Qinigaasinnaassutsimut ataatsimiititaliap Kalaallit Nunaanni Politimesteri oqaaseqaateqartissavaa kommunalbestyrelsimi ilaasortanngorlaat § 4 naapertorlugu pineqaatissinneqarsimanersut.

Taamaattoqarsimappat Politimesterip aalajangiinerup allattorsimaffíata assinga Qinigaasinnaassuseq pillugu ataatsimiititamut nassiuressavaa.

Imm. 5. Ilaasortaq piffíssap qinigaaffiup iluani § 4 naapertorlugu pinerluttulerinermik inatsisit tunngavigalugit pineqaatissinneqarpat Kalaallit Nunaanni Politimesterip Qinigaasinnaassuseq pillugu ataatsimiititamut nassiuressavaa aalajangiinerup allattorsimaffiata assinga.

Imm. 6. Qinigaasinnaassuseq pillugu ataatsimiititap communalbestyrelsi ilaasortarlu pineqartoq piffíssaq siulleq atorlugu nalunaarfígissavai aalajangiisimaneq pillugu, Politimesterip oqaaseqaatai tiguneqarsimasut tunngavigalugit aalajangiisoqaraangat.

Imm. 7. Qinigaaffiup nalaani sinniussaqq ilaasortaq sinnerlugu ilaasortanngorpat, qinigaasinnaassuseq pillugu aalajangiisoqassaaq maleruaqqusat qulaani allassimasut naapertorlugin, pineqartoq taamaallaat piffíssami killilimmi ilaasortanngoraluarpuallunniit.

Imm. 8. Maleruaqqusat imm. 1-imut 7-imut allassimasut atuupputtaaq kommissioninut, aalajangersaasartutut ataatsimiititanut, siunnersuisoqatigiinnut il.il. ilaasortanut, kommunit ataatsimiititaliaannut qinigaasinnaassuseqarneq naapertorlugu ilaasortaasinnaasoqaraangat, piffissarli qaammammik ataatsimik sivisussusilik pineqartup ullormiit toqqagaaffianiit naatsorsuullugu.

Imm. 9. Qinigaasinnaassuseq pillugu ataatsimiititap aalajangiineri inaarutaassapput.

Kapitali 2

Nunaqarfimmi aqutsisunut qinersineq

§ 54. Nunaqarfimmi aqutsisunut qinersisinnatitaavoq kinaluunniit § 1 malillugu communalbestyrelsimum qinersisinnatitaanermut piumasarisaasunik eqqortitsisimasoq, aammalu qinersinissaq kingusinnerpaamik ullunik 14-inik sioqqullugu nunaqarfimmi aalajangersimasumik najugaqarsimasoq.

Imm. 2. Qinersinissaq ullunik 14-inik sioqqullugu qinersinermik siulersuisut suliarissavaat inuit ullormi qinersivissami qinersisinnatitaallutik nunaqarfimmi najugallit allattorsimaffiat.

Imm. 3. Qinersisussat allattorsimaffiat suliarineqarnermi kinguninngua ulluni marlunni saqqumitinneqassaaq.

Imm. 4. Inuk qinersisussat allattorsimaffiannut ilanngunneqarsimasoq qinersisussat allattorsimaffiat suliarineqareernerata kingorna nunaqarfiup avataani aalajangersimasumik najugaqalersimasoq qinersisussat allattorsimaffiannit piiarneqassaaq.

Imm. 5. Kinaluunniit qinersisartut allassimaffiannut ilanngunneqarsimatinnani qinersisinnatitaanngilaq.

Imm. 6. Qinersisartut allassimaffianni ilanngunneqarsimannnginneq imaluunniit ilanngunneqarsimaneq pillugu naanimagittaalliuutit eqqarsaatigalugit § 24-mi maleruaqassat atorneqassapput.

§ 55. Nunaqarfimmi aqutsisunut qinigaasinnaatitaavoq kinaluunniit § 54, imm. 1 naapertorlugu tassunga qinersisinnatitaasoq, pineqartoq ukiut kingullit tallimat ingerlaneranni inaarutaasumik eqqartuussinikkut akiliisitsissutissamilluunniit akuersinikkut pinerluttulerinermi inatsisit tunngavigalugit pineqaatissinneqarsimannngikkuni imaluunniit ukiut kingullit pingasut ingerlaneranni pissutsimut nalinginnaasumik isigineqarnermi nunaqarfimmi aqutsisunut ilaasortaanissamut naleqqukkunnaarsitsisumik pinerluttulerinermi inatsisit tunngavigalugit pineqaatissinneqarsimannngikkuni. Piffissaliussat ullormit qinersivimmiit atuutissapput.

Imm. 2. Taamaattoq kinaluunniit qinigassannngortissinnaavoq pinerluuteqarsimanermigut pineqaatissinneqarsimanini pissutigalugu qinigaasinnaannginnera pillugu akerliliisoqaraluarpuallunniit.

Imm. 3. Qinigaasinnaanermik annaasaqarneq pillugu §§50 aamma 53-imi maleruaqqusat aamma nunaqarfimmi aqutsisunut ilaasortanut atuutissapput.

§ 56. Sioqqutsisumik kommunini tusarniaasoqareerneratigut nunaqarfínni suni nunaqarfímmi aqutsisunut qinersisoqarsinnaanersoq aammalu nunaqarfínni ataasiakkaani tamani nunaqarfímmi aqutsisunut ilaasortat amerlassusissaat Naalakkersuisut aalajangissavaat.

§ 57. Nunaqarfímmi aqutsisut ukiuni sisamani atuuttussatut qinigaassapput ilaasortallu tamarmiusut ataatsikkut tunuassallutik.

Imm. 2. Piffíssap Nunaqarfímmi aqutsisut qinigaaffiata piffissaq communalbestyrelsímut qinigaaffík malissavaa.

§ 58. Kommunini tamani qinersineq piareersarneqarlunilu siulersorneqassaaq qinersinermik siulersuisunit.

Imm. 2. Nunaqarfíit tamarmik immikkut taasiartorfiupput. Qinersinermik siulersuisut nunaqarfínni tamani taaguinermik siulersuisussanik toqqaassapput.

Imm. 3. Qinerasinerup piareersarneqarnera eqqarsaatigalugu §§ 7-11-ini maleruaqqusat aamma malinneqassapput.

§ 59. Qinigassanngortitanik nalunaarutit nunaqarfímmi taaguinermik siulersuisumut tunniunneqareersimassapput kingusinnerpaamik qinersinissaq ullunik 10-nik sioqqullugu nal. 12.00.

Imm. 2. Qinigassanngortitanik nalunaarutit il.il. eqqarsaatigalugit §§ 12 - 20-ini maleruaqqusat aamma malinneqassapput.

§ 60. Qinerasinermut ataatsimiititaliaq pappiarat taasivissat pissarsiarinissaat, ilusilemissaat agguannissaallu pillugit aalajangersagaliussaaq, pappiarat taasiviit kalaallisut qallunaatullu naqitanik allagartaqassapput "Nunaqarfímmi aqutsisunut qinersineq".

Imm. 2. Qinerasinermi taaguineq eqqarsaatigalugu §§ 26 - 28-ini maleruaqqusat aamma malinneqassapput.

Imm. 3. Qinerasartut taasinissamut piffíssaitatit iluanni taasiartorfimmukarsinnaanngitsut imaluunniit aatsaat ajornartorsiorujussuarlutik taasiartorfimmukarsinnaasut §§ 30-35-ini ma-leruaqqusat malillugit taasinnaapput, tassunga ilanngullugu danskit Kalaallit Nunaata avataani taasinissami allakkatigut taasinermi atugassaat atorlugit.

§ 61. Nunaqarfínni ataasiakkaani qinerasinerup inernerata naatsorsorneranut nalunaarutigineranullu aammalu piffíssap qinigaaffiup ingerlanerani ilaasortat tunuarnerat il.il. eqqarsaatigalugit communalbestyrelsímut qinerasinermut maleruaqqusat assingi atuupput, tak. kap. 1.

Kapitali 3

Ilagiit sinniisaannut qinersineq

§ 62. Ilagiit sinniisaannut qinerasinnaatitaavoq kinaluunniit § 1 malillugu communalbestyrelsímut qinerasinnaatitaanermut piumasarisaasunik eqqortitsisimasoq aammalu Ilagiinnut ilaasortaasoq.

Imm. 2. Kinaluunniit qinerasartut allassimafiannut ilanngunneqarsimatinnani qinerasinnaatitaanngilaq.

Imm. 3. Qinerasartut allassimaffíi eqqarsaatigalugit §§ 21-24-ini maleruaqqusat aamma malinneqassapput.

§ 63. Immikkoortoq 3-mi taaneqartut eqqaassanngikkaanni Ilagiit sinniisaannut kinaluunniit qinigasinnatitaavoq § 62 naapertorlugu tassunga qinerasinnaatitaasoq, pineqartoq ukiut kingulliit tallimat ingerlaneranni inaarutaasumik eqqartuussinikkut akiliisitsissutissamilluunniit akuersinikkut pinerluttulerinermi inatsit tunngavigalugit pineqaatissinneqarsimanngikkuni imaluunniit ukiut kingulliit pingasut ingerlaneranni pissutsimut nalinginnaasumik isigineqarnermi ilagiit sinniisaanni ilaasortaanissamut naleqqukkunnaarsitsisumik pinerluttulerinermi inatsisit tunngavigalugit

pineqaatissinneqarsimannngikkuni. Piffissaliussat ullormit qinersivimmuit atuutissapput.

Imm. 2. Taamaattoq kinaluunniit qinigassangortissinnaavoq pinerluuteqarsimanermigut pineqaatissinneqarsimanini pissutigalugu qinigaasinnaamginnera pillugu akerliliisoqaraluipaipalluunniit.

Imm. 3. Ilageeqarneq pillugu inatsisartut peqqussutaat sukkulluunniit atuuttoq naapertorlugu inuit ilagit sinnisaanni ilaasortaasussat tassunga qinigaasinnaanngillat.

Imm. 4. Qinigaasinnaanermik annasaqaarneq pillugu §§ 50 aamma 53-imi maleruaqqusat aamma ilagiit sinnisaannut ilaasortanut atuutissapput.

§ 64. Sioqqutsisumik Kalaallit Nunaata Biskoppeqarfiani biskoppimut aamma provsteqarfiiit allaffiinut tusarniaasoqareerneratigut oqaluffinni aamma atuarfmtigalutik naalagiartarfinni suni ilagiit sinnisaannut qinersisoqarsinnaanersoq aammalu sumiiffinni tamani ilagiit sinnisaannut ilaasortat amerlassusissaat Naalakkersuisut aalajangissavaat.

Imm. 2. Sumiiffinni ilagiit sinnisaannut qinersiffiusussaanngitsuni qinersisartut taakkunani najugaqartut, tak. § 62, ilagiit sinnisaannut qinersinermi sumi qinerseqataasanersut Naalakkersuisut aalajangissavaat.

§ 65. Ilagiit sinnisaat ukiuni sisamani atuuttussatut qinigaassapput, ilaasortallu tamarmiusut ataatsikkut tunuassallutik.

Imm. 2. Piffissap ilagiit sinnisaasa qinigaaffiata piffissaq kommunalbestyrelsimit qinigaaffik malissavaa. Qinersinermut ataatsimiititaliap ulloq qinersinerup ingerlanneqarfissaa aalajangersassavaa.

§ 66. Kommunini tamani qinersineq piareersameqarlunilu siulersorneqassaaq qinersinermik siulersuisunit.

Imm. 2. Qinersinerup piareersarneqarnera eqqarsaatigalugu §§ 7 - 11-ini maleruaqqusat aamma malinneqassapput.

§ 67. Ilagiit sinnisaannut qinersinissaq kingusinnerpaamik qaammatinik marlunnik sioqqullugu palasi palaseqarfipuq pisortaqarfittut siulersuisua ilagiinnik ataatsimiigiaqqusissaaq, ataatsimiinermi tessani pisortaqarfimmi siulersuisup taassuma imaluunniit taanna pisinnaanngippat palaseqarfimmi palasit arlaata imaluunniit ajoqip ilagiit sinnisaasa suliassaat nassuaateqaatigissavai paasiniassallugulu ilagiit sinnisaannik naammattunik qinersinissap siunnersutiginissaa isumaqtigiqissutigineqarsinnaanersoq.

Isumaqtigiqissutigineqarsinnaappat ataatsimiinermi imaluunniit ataatsimiinermut atatillugu qinigassangortitat qinigatinniakkat nalunaarsorneqassapput, tak. § 68, imm. 1.

Imm. 2. Ataatsimiinnissamut imm. 1-imi taaneqartumut ataatsimiigiaqqusineqassaaq ataatsimiinnissap siornatigut sapaatini kingullerni pingasuni naalagiarnemi ataatsimiinnissap nalunaarutigineqameratigut, qaqgu sumilu ataatsimiinnissaq oqaatigineqassalluni aammalu allagarsiinikkut kiisalu qinersinermik siulersuisut erseqqinnerusumik aalajangiinerisigut.

Imm. 3. Ataatsimiinnissami tessani taamaallaat peqataasinnaapput inuit ilagiit sinnisaannik qinersisinnatitaasut.

Imm. 4. Ataatsimiinermi imm. 1-imi taaneqartumi qinigassangortitassat naammattut isumaqtigiqissutigineqaraluarpatluunniit qinigassangortitat allat § 70, imm. 1-imi piffissaliussap naannginnerani taaguvimmi pineqartumi qinersinissamik siulersuisumut nalunaarutigineqarsinnaapput.

§ 68. Qinigassangortitanik nalunaarut Qinersinermut ataatsimiititaliap qinigassangortittut pillugit allaffissiaasigut nalunaarutigineqartassaaq, taaguvimmilu pineqartumi taaguinermik siulersuisumut tunniunneqareersimassapput kingusinnerpaamik qinersinissaq sap. akunnerinik pingasunik sioqqullugu nal. 12.00.

Imm. 2. Inuit qinigassangortitat tamarmik immikkut ikinnerpaamik tallimanik amerlanerpaa-millu qulinik qinigassangortitsisoqassapput, aammalu taamaallaat qinigassangortitsisuusinnaapput inuit ilagiit

sinnisaannik qinersisinnaatitaasut. Kinaluunniit qinigassanngortittumit ataatsimit amerlanerusunut qinigassanngortitsisuu sinnaanngilaq.

Imm. 3. Qinigassanngortittup qinigassanngortitsinermik nalunaarut tunniunneqareersimasoq taaguinermik siulersuisumut kingusinnerpaamik imm. 4-imi piffíssaliussap naannginnerani tunuartissinnaavaa.

Imm. 4. Piffíssaliussap naanerani ilagiit sinnisaattut qinerneqartussaniit amerlanerusunik qinigassanngortittoqanngippat qinigassanngortitaasut qinigaasutut isigineqassapput.

Imm. 5. Piffíssaliussap naanerani ilagiit sinnisaattut qinerneqartussaniit amerlanerusunik qinigassanngortittoqarpal taakkunannga qinersineqassaqq, qinigassanngortittullu aqqi allagarsiinikkut aammalu qinersinermik siulersuisut erseqqinnerusumik aalajangiinerat malillugu tamanut saqqummiunneqassapput.

§ 69. Qinersinermut ataatsimiitaliaq pappiarat taasivissat pissarsiarinissaat, ilusilernissaat agguannissaallu pillugit aalajangersagaliussaaq, pappiarat taasiviit kalaallisut qallunaatullu naqitanik allagartaqassapput "Ilagiit sinnisaannut qinersineq".

Imm. 2. Qinersineqassaaq kommunalbestyrelsimut qinersinerup peqatigisaanik taasiartorfissani tamani inimi qinersinermik siulersuisut innersuussutaani.

Imm. 3. Taaguinermik siulersuisup ilagiit sinnisaannik qinersinermi pappiaranut taasivinnut immikkut nakkaatitsivik pissarsiarissavaa.

Imm. 4. Qinersinerup ingerlanneqarnissaa, tassunga ilanngullugu taassisutinik nassiussilluni taasineq, eqqarsaatigalugit §§ 26 - 35-ini maleruaqqusat aamma malinneqassapput.

§ 70. Qinersinerup naatsorsorneqarnerani siulliulluni ilaasortanngussaaq inuk amerlanerpaanit taagomeqarsimasoq, tulliulluni ilaasortanngussalluni inuk amerlanerpaanik taagorneqarsimasup tulliatut taagorneqarsimasoq ilagiit sinnisaanni inissat tamakkerlugit agguanneqarserlugit.

Imm. 2. Qinigassanngortitat arlallit amerlaqatigiimmik taagorneqarsimappata taaguinermik siulersuisup tannermoortsineratigut aalajangerneqassaqq arlaat kina qinigaanersoq.

Imm. 3. Taaguinermik siulersuisup sinniisussanik nalunaarsuiffik suliarissavaa, tassani allattorneqassapput qinigassanngortissimasut qinigaangitsulli taaguunneqarnertik malillugu tulleriinnilersorneqarlutik. Qinigassanngortittut arlallit amerlaqatigiinnik taaguunneqarsimappata taaguinermik siulersuisup tannermoortsineratigut tulleriinnilersuineq aalajangerneqassaqq.

Imm. 4. Qinersinerup naatsorsorneqarnera eqqarsaatigalugu §§ 36 - 40-ni, §§ 43 - 46-ni aammalu § 48-mi maleruaqqusat aamma malinneqassapput.

§ 71. Ilaasortatut qinigaasoq piffíssap qinigaaffmp ingerlanerani ilagiit sinnisaannit tunuarpat, nammineersinnaajunnaarsitaappat imaluunniit toquppat sinniisussamit taarserneqassaqq.

Imm. 2. Ilaasortaq qaammat ataaseq sinnerlugu pisinnaanngippat sinniisussaq ilagiit sinnisaanni ilaasortanngorallassaaq.

Imm. 3. Pissutsini imm. 1-imi taaneqartuni ilaasortap taartissaanik sinniisussaqqanngippat ilaasortat allat piffíssap qinigaaffiup sinnerani ilaasortaasussamik allamik qinersissapput taavalu ilagiit, palasi palaseqarfliup pisortaqaqriftut siulersuisua, Kalaallit Nunaata Biskoppeqarfiani biskoppi aammalu Kultureqarnermut, Ilinniartitaanermut Ilageeqarnermullu Pisortaqaqrifik qinersineq pillugu nalunaarfigissallugit.

Kapitali 4

Ataatsimut aalajangersakkat

§ 72. Qinersinermut ataatsimiititaliaq kap. 1, 2 aamma 3-mi taaneqartoq tassaavoq Kalaallit Nunaata Inatsisartuiniut qinersisameq pillugu inatsisartut inatsisaanni ataatsimiititaliaq taaneqartoq.

Qinersinermut ataatsimiititaliap suliassai suliarineqassapput inatsisartut inatsisaanni qulaani taaneqartumi § 54-imi maleruaqqusat malillugit.

§ 73. Qinigaasinnaassuseq pillugu Ataatsimiititap § 53-imi taaneqartup sulineranut atatillugu aningaasartuuit Landskarsimit akilerneqassapput.

Imm. 2. Naalakkersuisut Allattoqarfiata Ataatsimiititaq allattoqarfekartissavaa.

Imm. 3. Siulittaasoq akissarsiaqartinneqassaaq eqqartuussisut pillugit isumaqtigissut sukkulluunniit atuuttoq naapertorlugu Naalakkersuisut aalajangersagaannik.

Imm. 4. Qinikkat Ataatsimiititami ilaasortaasut akissarsiaqartinneqassapput Inatsisartunut, Naalakkersuisunut il.il. ilaasortat aningaasarsiaqartitaanerat pillugit inatsisartut inatsisaanni maleruaqqusat malillugit.

§ 74. Qinersinermut ataatsimiititaliaq qinersinerup piareersarnerani ingerlanneqarneranilu piginnaatitaavoq pissutsit naapertorlugit, tassunga ilanngullugu sila, pisariaqarsorinarneratut inatsisartut inatsisaanni matumani maleruaqqusanik saneqqutsinissaminut, patsissaatillugu qinersinerup isertuussassaanerata qinersinerullu ingerlanneqarnerata nakkutigisaanerata tamatigut isumannaarneqarsimanissaat. Qinersinermut ataatsimiititaliap qinersineq pillugu allattuiffimmini aalajangersagaq manna malillugu saneqqutsinerit pisimasut nassuaateqarfigissavai.

§ 75. Naqiterritanut, tamanut saqqummiussanut pappiaqanullu taasivinnut aningaasartuuit aammalu sumiiffit kommunit aggomerisa avataaniittut pillugit immikkut aningaasartuuit landskarsimit akilerneqassapput. Qinersinermut atatillugu aningaasartuuit allat kommunip pineqartup karsianit akilerneqassapput.

§ 76. Qinersisartoq taasisimasoq suliassami sumiluunniit pisussaanngilaq eqqartuussisunut oqaatigissallugu qinigassangortitaq kina imaluunniit partii sorleq taasimanerlugu.

§ 77. Kinaluunniit inatsisartut inatsisaat una malillugu imminut suliakkiutigineqartunik sumiginnaasoq pinerluttulerinermik inatsit malillugu pineqaatissinneqamissamik eqqartuunneqarsinnaavoq.

§ 78. Qinersinermik siulersuisunut ilaasortat imaluunniit allat inatsisartut inatsisaanni uani aalajangersakkat malillugit inini pappiarat taasiviit tigooqcarneqarfianniissinnaatitaasut
1)taasisitsinerup nalaani qinersisartumik siunnersuissaanngillat, ilitsersuissanatik kajumissaarissanatilluunniit qinigassangortitaq kina taasaneraat,
2)allanik ilisimatitsissanngillat qinersisartoq una unalu najuussimanersoq, imaluunniit pappiaramik taasivimmik tuneqqusimanersoq tunniussisimanersorluunniit, imaluunniit
3)allanut nalunaarutiginnissanngillat taasivimmi qinersisartup qinigassangortitamik imaluunniit partiimik sorlermik taasisimaneranik paasisimasaminnik.

Imm. 2. Qinersisartut aggerlutik taasinerata inatsisartut inatsisaanni peqqussutigineqartumiit allaanerusumik nakkutigineqamissaa akuerisaanngilaq.

Imm. 3. Immikkoortumi 1-imi aamma 2-mi aalajangersakkank unioqqutitsinerit pinerluttulerinermik inatsit malillugu pineqaatissinneqamermik eqqartuunneqaataasinnaapput.

§ 79. Inatsisartut inatsisaat atuutilerpoq 1. januar 1997. Tamatuma peqatigisaanik atorunnaar-sinneqarput Kommunalbestyrelsinut bygderâdinullu qinersineq pillugu inatsisartut inatsisaat nr. 2, 30. marts 1982-

imeersoq aammalu Kalaallit Nunaanni ilageeqameq pillugu Inatsisartut peqqussutaanni nr. 2, 30. marts
1982-imeersumi §§ 12 - 14 aamma § 23.

*Imm. 2. Nunaqarfinni aqutsisunut 1993-imi qinersinermi nunaqarfímmi aqutsisunut ilaasortatut qinigaasut eqqarsaatigalugit piffissaq qinigaaffik naassaaq 1997-imi aprilip qaammataata naanerani, taamaattoq tak.
§ 48.*

Namminersornerullutik Oqartussat, ulloq 31. oktober 1996

Lars Emil Johansen

/

Kaj Kleist

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviit

Naalakkersuisut